

史
稿





			二 三	漢書門
一	一	九	一七	
大册	一	函	號	類

庫文閣內			
五	三	漢	
函	一	書	
二	五		
七	七		
架	冊	號	類

內閣文庫			
番號	漢	2317	
冊數	15 (15)		
函號	290	126	

十六_下之七





馬... 松... 不...

卷...

字... 不...

且...

能...

相...

業...

...

馬寶鈿鞍略陣挑戰甚閑暇無敢校者難得怒
挾矛駭馬馳支都不暇鬪直斬其首

容容

淺草文庫

李元素傳一不建為容容持祿

豆譜

又白切

張孝忠傳河北蝗民饑死如積孝忠與其下同
粗淡日膳裁豆譜而已

豪市

史憲忠傳故帥沓荒使游奕兵覘戎有良馬牛



強取之歸直十一戎人怒因興盜掠憲忠廉儉
少所欲嘗曰吾居河朔去此二千里乃乘五隼
馬今守邊發吾餘奉不患無馬何忍豪市哉

厥淤

劉宴傳河汴自寇難以來不復穿治崩岸滅木
所在厥淤洩泗千里如同水行舟

捉驛

同上初州縣取富人督漕輓謂之船頭王郵遞
謂之捉驛稅外橫取謂之白着人不堪命皆去

爲盜賊

蔴枕

李揆傳俄兼禮部侍郎揆病取士不考實徒露
搜索禁所挾而迂學陋生蔴枕置史且不能
措於詞乃大陳書廷中進諸儒約曰上選士第
務得才可盡所欲言由是人人稱羨

麀頭

同上初苗晉卿數薦元載揆輕載地寒謂晉卿
日龍章鳳姿士不見用麀頭鼠目子乃求官耶

鯀伯 他合切

常衮傳衮懲元載敗窒賣官之路然一切以公議格之非文詞者皆擯不用故世謂之鯀伯以其齷齪無賢不肖之辨云

排笮

董晉傳右丞元琇為韓滉排笮得罪

義合

袁滋傳為華州刺史政清簡流民至者給地居之名其里曰義合

孝童

段秀實傳秀實六歲母疾病不勺飲至七日病間乃肯食時號孝童

設吏

邢君牙傳布衣張汾者無紹而干君牙軒然坐客上會吏擿簿書以盜沒宴錢五萬君牙怒其欺汾不謝去曰吾在京師聞邢君牙一時豪俊今乃與設吏論錢云何君牙慙遽釋吏引為上客

銀塗衣

韋臯傳善拊士至雖昏嫁皆厚資之婚給錦衣女給銀塗衣賜各萬錢

怒貌

徐浩傳草隸尤工世狀其法曰怒貌抉石渴驥奔泉云

光學錢

劉伯芻傳伯芻孫允章改國子祭酒又建言羣臣輸光學錢治岸序宰相五萬節度使四萬刺

史萬詔可

依字去人

韋綬傳太子書依字輒去人曰上以此可天下事烏得全書耶

史遁

張鷟傳朱泚反詭姓名伏匿城中著史遁先生傳

山棚

呂元膺傳東畿西南通鄧號川谷曠深多麋鹿

人藁射獵而不事農遷徙無常皆趨悍善鬪號
曰山棚

羸名 初限切

薛存誠傳瓊林庫廣籍工徒存誠曰此姦人羸
名以避征役不可許

下碇稅

孔幾傳蕃舶泊步有下碇稅始至有閱貴宴所
餉犀琲下及僕隸幾禁絕無所求索

珍味

穆負傳兄弟皆和粹世以珍味目之贊少俗然
有格爲酪質美而多入爲酥負爲醍醐賞爲乳
腐云

殼薄

薛平傳治身殼薄所衣綠袍更十年至緋衣乃
易

聖米

杜棕傳時方旱道路流亡籍籍民至鹿漕渠遺
米自給呼爲聖米

秃角犀

同上綜雖出入將相而厚自奉養未嘗薦進幽
隱佑之素風衰焉故時號秃角犀

跋芳

裴延齡傳京右偏故有藿葦地數頃延齡妄言
長安咸陽間得跋芳數百頃

黃頭軍

王式傳忠武戍卒服短後褊以黃冒首南方號
黃頭軍

蓬陋

十禾切

王伾傳伾本關茸貌蓬陋楚語無它大志

七屬甲

伊慎傳李希烈恐慎爲曹王臯所任遺以七屬
甲詐爲慎書行反間

刮城門

范希朝傳遷振武節度使部有黨項室韋雜居
暴掠放肆日入慝作謂之刮城門

襄樣

于頔傳初襄有髮毚天下以爲法至頔驕蹇故
方帥不法者號襄樣節度

○雄邊

同上率戶二百取一人使習戰貸勿事緩則農
急則戰謂之雄邊子弟

撥穰

同上高文端歸命稱稹糧乏皆女子撥穰哺兵
輶車

李紳傳葬母有烏銜芝墜輶車

縵闕

李蔚傳佛骨至京師高貲相與集大衢作繒臺
縵闕注水銀爲池金銀爲樹木聚桑門羅像考
鼓鳴螺繼日夜錦車綉輿載歌舞從之

何座梨

崔子遠傳子遠有文而風致整峻世慕其爲目
曰何座梨言座所珍也

人瑞

鄭仁表傳嘗以門闕文章自高曰天瑞有五色

雲人瑞有鄭仁表

造膺天

陸辰傳舉進士時方遷幸而六月膺出至是每甚暑它學士輒戲曰造膺天也○

盧言

杜中立傳京師惡少優戲道中具騶唱呵衛自謂盧言京兆驅放自如中立部從吏捕繫立箠死

東頭學士

熊望傳敬宗喜爲歌詩議置東頭學士以備燕狎

瑟瑟枕

盧簡辭傳福建鹽鐵院官盧昂坐贓簡辭竊按乃得金牀瑟瑟枕大如斗

七松處士

鄭薰傳旣老號所居爲隱岩蒔松於庭號七松處士云

驅石

李景讓傳李琢罷浙西以同里訪之避不見及
去命斲其騙石焉

魚鄭

鄭注傳注本姓魚冒爲鄭故當時號魚鄭及用
事人庾謂曰水族

脂盞

李德裕傳詔浙西上脂盞粧具

獬牙

韓偓傳贊觀察朴輩不次而用押豚臙拒獬牙

趣亡而已

疥癩賓

顧彥暉傳彥暉嘗會諸將堂上養子瑤尤親信
彥暉以所佩劔號疥癩賓佩之使侍左右語諸
將曰與公等生死同之違者先齒疥癩賓

祇祇

李罕之傳初爲浮屠行刳而窮日無得者祇鉢
禱祇祇去

黑雲都

楊行密傳行密有銳士五千衣以黑縑黑甲號
黑雲都

定南刀

同上馬殷將許德勳以銳卒號定南刀

鷓兒

高仁厚傳賊號蜀兵爲鷓兒每戰輒戒曰毋與
鷓兒鬪

爪牙都

田頔傳頔志自料死士數百號爪牙都

鏡形

張雄傳徐約驅民墨鏡其形曰願戰南都

地癖

李愬傳愬頗殖產伊川占膏腴自都至闕口疇
野彌望時謂地癖

南金口

張巡傳調真源令士多豪猾大吏華南金樹威
恣肆邑中語曰南金口明府手巡下車以法誅
之

四公子

周曾傳與王玠姚瞻韋清志相友善號四公子
于薦于

元德秀傳玄宗在東都酺五鳳樓下令三百里
縣令刺史各以聲樂集河內太守輦優伎數百
被錦綉或作犀象瓊瑤光麗德秀惟樂工數十
人聯袂歌于薦于于薦于者德秀所為歌也

狐刺

孝友傳張進昭母患狐刺左手墮而終及殯進
昭截左腕廬于墓

冢樾

裴敬彙傳曾祖子通居母喪哭喪明有白鳥巢
冢樾

聖童

孫思邈傳通百家說善言老子莊周 洛州總
管獨孤信見其少異之曰聖童也

瘦栢

武攸緒傳盤桓龍門少室間冬蔽茅楸夏居石

室所賜金銀鋪鬲野服王公所遺鹿裘素障屨
栝塵皆流積不御也

寧極

盧鴻傳鴻所居室自號寧極

擊木

陸羽傳或獨行野中擊木裴回不得意或慟哭
而歸

九經庫

谷那律傳淹識羣書褚遂良嘗稱爲九經庫

畫腹

王紹宗傳嘗與人書曰鄙夫書無工者特出水
墨之積習耳嘗精心率意虛神靜思以取之吳
中陸大夫常以余比虞君以不臨寫故也聞虞
祓中畫腹與余政同虞卽世南也

籤牒

馬懷素傳是時文籍盈漫皆良朽蟬斷籤牒紛
舛

膜腴

元行冲傳下之事上譬富家儲積以自資也脯
腊膜腴以供滋膳參朮芝桂以防疾疢

臙馥

杜甫傳贊它人不足甫乃有餘殘膏臙馥沾丐
後人多矣

連錦書

呂向傳工草隸能一筆環寫百字若縈髮然世
號連錦書

寄坐

武士護傳討捕兵悉起唐公威君雅無與徒寄
坐耳

兩何

武懿宗傳始萬榮入寇也別帥何阿小陷冀州
殺人無餘種以懿宗暴忍似之故號稱兩何相
語曰唯此兩何殺人最多

輓脚

楊國忠傳帝臨幸必徧五家賞賚不訾計出有
賜日餞路返有勞日輓脚

逃瘡

高力士傳力士方逃瘡功臣閣下

媒蝟

程元振傳素惡李光弼數媒蝟以疑之

私白

吐突承瓘傳是時諸道歲進闔兒號私白

例竟

來俊臣傳詔於麗景門別置獄敕俊臣等顯按
事百不一貸弘義戲謂麗景門爲例竟謂入者

例皆盡也

四其

郭弘霸傳自陳徃討徐敬棻臣誓抽其筋食其
肉飲其血絕其髓武后大悅授左臺御史時號
四其御史

闌魚

周利貞傳調錢唐尉時禁捕魚州刺史飯蔬利
貞忽饋佳魚刺史不受利貞曰此闌魚公何疑
問其故答曰適見漁者禽不獲而有魚焉闌得

之刺史大笑

勦尾榆

勦方結切

敬羽傳凶態不能忍乃作巨枷號勦尾榆囚人多死

白眼相公

張允伸傳張公素性暴厲眸子多白燕人號白眼相公

定霸都

劉仁恭傳仁恭悉發男子十五以上為兵涅其面曰定霸都

一漿十餅

李師道傳公初不示諸將腹心而今委以兵此皆嗜利者朝廷以一漿十餅誘之去矣

夜飛

劉悟傳裴問守邢州有募兵五百號夜飛

僞荆卿

同上甄戈者頗任俠從諫厚給郵坐上座自稱荆卿從諫與定州戍將有嫌命戈取之因為逆

旅上謁番飲三日乘間斬其首它人又使取仇人乃引不逞者十餘輩劫之從諫不悅號僞荆卿

突厥雀

突厥列傳始虜未叛鳴鷄羣飛入塞吏日所謂突厥雀者南飛胡必至比春還悉墮靈夏間率無首泥孰果亡

飛鳥使

吐蕃傳會飛鳥使至召其軍還遂引去飛鳥猶傳騎也

鬼市

西域傳西海有市貿易不相見置直物旁名鬼市有獸名贊大如狗獷惡而力

雙

南蠻傳凡田五畝曰雙上官授田四十雙上戶三十雙

鵝關

同上膾魚寸以胡瓜椒菽和之號鵝關

人猫

李義府傳時號義府笑中刀又以柔而害物號曰人猫

掉訐

喬琳傳與聯舍畢曜相掉訐

察子

高駢傳呂用之既自任淫刑重賦人人思亂乃擢廢吏百餘號察子厚廩食令居衢闕間凡民私閱隱語莫不知道路箝口

火迫鄴族

朱泚傳源休自比蕭何顧令言曰成秦之秦無輩我者我視蕭何子當曹參可矣卽收畜籍貯府庫效何者人皆笑謂爲火迫鄴族

釘轡

黃巢傳劉巨容壁荆門使沙陀以五百騎釘轡漆轡望賊陣縱而遁

白髻

同上王處存遣銳卒五千以白髻自誌

感恩都

董昌傳有五千餘姓當族昌曰能孝於我貸而
死皆曰諾昌厚養之號感恩都

史鰲卷十七

陳留 謝肇淛 著

黃師表

建安 較

黃師正

五代史

鴻鵠卮

唐莊宗紀年十一從克用破王行瑜遣獻捷於
京師昭宗異其狀貌賜以鴻鵠卮翡翠盤而撫
其背曰兒有奇表後富貴無忘予家

暖殿物

同上河南尹張全義及諸鎮進暖殿物

橫衝都

明宗紀太祖以嗣源所將騎五百號橫衝都

買宴

明宗紀幸會節園羣臣買宴

添都馬

廢帝紀羣臣獻添都馬注都者軍伍之名

臬捩鷄

晉高祖紀其父臬捩鷄本出於西夷

皇綦錢

同上以皇綦錢作受命寶注皇綦錢者私錢也

撲馬

出帝紀高祖崩使左驍衛將軍石德超以御馬

二撲祭於相州之西山注夷狄之禮也案下文

皇祖母劉氏崩亦使德超撲馬於西山

捺刺

漢高祖紀契丹耶律德光送晉高祖至潞州臨

決指知遠曰此都軍甚搽刺無大故勿棄之注
世俗謂勇猛爲搽刺

木拐

同上遣牙將王峻奉表契丹耶律德光呼之爲
見賜以木拐一木拐虜法貴之如中國几杖非
優大臣不可得峻持拐歸虜人望之皆避道

鷲脫

周太祖紀隱帝遣內養鷲脫覬威所嚮

夾寨夫人

莊宗劇后傳莊宗攻梁軍於夾城得符道昭妻
侯氏寵專諸宮宮中謂之夾寨夫人

鷹視

秦王從榮傳其爲人輕雋而鷹視

天無眼

蔡王信傳楊邠等死信大喜謂其僚佐曰吾嘗
謂天無眼而使我鬱鬱於此者三年矣王上孤
立幾落賊手諸公可以勸我一杯矣

蝟蜒塹

符道昭傳與康懷英等攻潞州築夾城爲軸
塹以圍之

一丈烏

寇彥卿傳太祖賜以所乘愛馬一丈烏

踏伏

安金全傳爲人驍果工騎射號能擒生踏伏

入草

李嚴傳初莊宗遣嚴以名馬入蜀而珍奇以充
後宮而蜀法嚴禁以奇貨出劍門其非奇物而

出者名曰入草物由是嚴無所得而還惟得金
二百兩地衣毛布之類莊宗聞之大怒曰物歸
中國謂之入草王衍其能免爲入草人乎於是
決議伐蜀

擔子

盧程傳莊宗以程爲中書侍郎同平章事是時
朝廷新造百度未備程與豆盧革拜命之日肩
輿導從喧呼道中莊宗聞其聲以問左右左右
曰宰相擔子入門莊宗登樓視之笑曰所謂似

是而非者也

没字碑

任圜傳天下皆知崔協不識文字而虛有儀表號爲没字碑按安叔千傳叔千狀貌堂堂而不通文字所爲鄙陋時人謂之没字碑

靜獄

蘇逢吉傳高祖嘗以生日遣逢吉疏理獄囚以祈福謂之靜獄逢吉入獄中閱囚無輕重曲直悉殺之以報曰獄靜矣

手勢令

史弘肇傳他日會飲王章第酒酣爲手勢令弘肇不能爲

公子亭

同上由是將相如水火隱帝遣王峻置酒公子亭和解之

儻估

王章傳百官俸廩皆取供軍之餘不堪者命有司高估其價估定又增謂之儻估章猶意不能

滿徃徃復增之

隨年杖

劉銖傳民有過者問其年幾何對曰若干卽隨其數杖之謂之隨年杖每杖一人必兩杖俱下謂之合歡杖

竹籠

劉仁贍傳世宗攻壽州東巨竹數十萬竿上施板屋號爲竹籠載甲士以攻之

肉臺盤

孫晟傳晟事昇父子二十餘年官至司空家益富驕每食不設几案使衆妓各執一器環立而侍號肉臺盤時人多效之

五粒松

鄭遨傳遨聞華山有五粒松脂淪入地千歲化爲藥能去三尸因徙居華陰欲求之

玉界尺

趙光逢傳光逢在唐以文行知名時人稱其方直溫潤謂之玉界尺

畫日筆

蘇循傳獻晉王畫日筆三十管

鬪鷄紗

孫德昭傳梁太祖頗息其附已以龍鳳劔鬪鷄紗遺之

僕邀

康延孝傳延孝責董璋曰吾有平蜀之功公等僕邀相從反俛首郭公之門

落鴈都

朱漢賓傳鄆州朱瑾募其軍中驍勇者鯨雙鴈于其頰號鴈子都太祖聞之乃更選勇士數百人號落鴈都

拔釘錢

趙在禮傳在禮在宋州人尤苦之已而罷去宋人喜而相謂曰眼中拔釘豈不樂哉旣而復受詔居職乃籍管内口率錢一千自號拔釘錢

廳子都

王晏球傳梁太祖鎮宣武選富家子之材武者

置之帳下號廳子都

頭子

王守恩傳周太祖過洛陽守恩以使相自處肩輿出迎太祖怒卽日以頭子命白文珂代守

梯頭

萇從簡傳莊宗用兵攻城從簡多爲梯頭

地仙

張筠傳筠居洛陽擁其貲以酒色聲伎自娛足者十餘年人謂之地仙

鐵鞭郎君

安重榮傳又使人爲大鐵鞭以獻誑其民曰鞭有神指人人輒死號鐵鞭郎君出則以爲前驅

複子

杜重威傳契丹兵潰諸將欲追之重威爲俚語曰逢賊得命更望複子耶

排甲錢

李守貞傳晉兵素驕而守貞重威爲將皆無節制行營所至居民秦圍一空至於草木皆盡其

始發軍也有賜賚曰掛甲鐵及班師又加賞勞
曰卸甲錢

粥飯僧

李愚傳廢帝亦謂愚等無所事嘗曰宰相曰此
粥飯僧爾以爲飽食終日而無所用心也

三不開

馬胤孫傳胤孫臨事多不能決當時號爲三不
開謂其不開口以論議不開印以行事不開門
以延士大夫也

合尖

李崧傳崧議以石敬瑭鎮太原晉高祖深德之
陰遣人謝崧曰爲浮圖者必合其尖蓋欲使崧
始終成已事也

東西眷

裴皞傳裴氏自晉魏以來世爲名族居燕者號
東眷居涼者號西眷居河東者號中眷

五鬼

李景世家景以馮延巳常夢錫爲翰林學士馮

延魯爲中書舍人陳覺爲樞密使魏岑查文徽
爲副使夢錫直宣政殿專掌密命而延巳等皆
以邪佞用事吳人謂之五鬼

賊王八

王建世家少無賴以屠牛盜驢販私鹽爲事里
人謂之賊王八

危腦帽

王衍世家當王氏晚年俗競爲小帽僅覆其頂
俛首卽墮謂之危腦帽

雕面

孟昶世家王昭遠手執鐵如意指揮軍事自比
諸葛亮酒酣謂吳曰吾之是行何止克敵當領
此二三萬雕面惡少兒取中原如反掌耳

憨獠

劉晟世家劉思潮等死陳道庠懼不自安其友
鄧伸以荀悅漢紀遺之道庠莫能曉伸罵曰憨
獠韓信誅而彭越醢皆在此書矣

衣錦營

錢鏐世家加鏐檢校太師改鏐鄉里曰廣義鄉
勲貴里鏐素所居營曰衣錦營後又升錦衣營
爲衣錦城石鑑山曰衣錦山號其幼所嘗戲大
木曰衣錦將軍

白馬三郎

王審知世家審知爲人狀貌雄偉隆準方口常
乘白馬軍中號白馬三郎

賴子

高從誨世家南漢與閩蜀皆稱帝從誨所嚮稱

臣蓋利其賜予俚俗語謂攘奪苟得無媿恥者
爲賴子猶言無賴也故諸國皆目爲高賴子

雕青

劉旻世家周太祖少賤黥其頸上爲飛雀世謂
之郭雀兒太祖見旻使者具道所以立贊之意
因自指其頸以示使者曰自古豈有雕青天子
幸公無以我爲疑

明殿

契丹傳其母述律遣人齎書及阿保機明殿書

賜德光明殿若中國陵寢下宮之制其國君死
葬則於其墓側起屋謂之明殿置官屬職司歲
時奉表起居如事生置明殿學士一人掌答書
詔每國有大慶吊學士以先君之命爲書以賜
國君其書常日報兒皇帝云

帝紀

德光行至樂城卒於殺胡林契丹破其腹
去其腸胃實之以鹽載而北晉人謂之

建安黃氏景晉日齋藏版

